

北京日報

第二百四十七册

四月初二日

代表人朱洪

宮門抄

四月初一日外務部

欽天監

侍衛處值日無事

見

達壽請假五日

吏部呈進月宮卷

召見軍機

諭

旨

三月三十日奉

旨理藩院奏多倫諾爾幹珠爾瓦諾們汗報効練兵經費遵議獎叙一摺多倫諾爾幹珠爾瓦諾們汗捐助銀兩實屬至誠著加恩賞給多倫諾爾幹珠爾瓦諾們汗志誠名號以示鼓勵該衙門知道欽此

專電

金山華領不知下落

香港電 金山鉅災胡領事未知下落

代論

論中韓新事業之一斑

譯日本報

(上略)我日本鐵道。荷舉新計畫之線路而一一實行之。則全國當有五千萬英里以上之鐵道。然以我國之狀態。恐一時難進步至此。況今後將改爲國有。則欲其增設也。益艱。而我國現在之鐵道。工學生及既出學校而未就職者。不下數萬人。此後欲容身於鐵路界也。難矣。然則我等對於此等之青年。不能不爲之籌其出路。以利用其材能。亦刻下之急務也。今觀清韓之野曠。漠千里。交通機關之整理。前途尙遠。鐵道敷設之議。現方發軔。而我國以此數萬失其業之鐵道。工學者安置之於清韓之野。以盡其材能。豈不適宜之甚歟。惟先當爲實地調查。始有把握。今支那全國僅僅有二千英里之鐵路。日後之發達。可以預決。其他如滿洲之礦產。大可遑羨。若由我日本人之手而經營之。利益益莫大焉。其

莫如改良其農業。中國地質之肥沃。一望數千里。均為極腴之地。此亦我輩實驗之所得也。若在我邦。則一付之。實亦分數種。有上田。下田。下下田。下下之下田。等區別。若中國則礪礪不毛之地甚稀也。以斯狀況。改良於農業。其遠尚有涯。矣乎。(下畧)

記者按日本自戰勝以後。傾注全神於實業界。不遺餘力。邇來又欲擴其力於國外。顧國外之可以擴其權力者。莫滿洲朝鮮若。此雖箇人之言。亦足代表其國民之傾向。我國人其亦念之。

### 要緊新聞

兩宮撥賑災○美國舊金山地震奇災迭紀前報茲聞 兩宮閱電報後 皇太后 皇上垂念邦交特飭撥帑

項十萬金往賑該國人民以敦睦誼另撥帑項四萬金以賑旅美華商云 高厚仁慈於茲可見矣

電慰美總統○此次舊金山大災各國君主皆致電美總統慰問現聞 皇太后 皇上亦經致國電于美總統以伸弔

慰而敦睦誼

不准自設武備學堂○日昨軍機大臣面奉 諭旨本日珠爾杭阿奏請設武備學堂一摺應設武備學堂由練兵處辦

理所請自行籌款設立遠成武備學堂之處著不准行

請兩大臣赴那威○端戴兩大臣此次游歷各國考察政治簡經俄使代丹國特請兩大臣順道赴該國游歷以敦睦誼

近日那威政府又以兩大臣赴丹國時擬請其順道并到那威聞該那威政府已請英國駐京公使代其轉請于中國政府云

不准赴旗宣講○日昨軍機處交片理藩院軍機大臣面奉 諭旨本日理藩院具奏章嘉呼圖克圖請假出口躲熟親

往新巴爾呼旗宣講新政一摺章嘉呼圖克圖請假出口躲熟自應准如所請至親親往新巴爾呼旗宣講新政各節

著不准行

奏請考試外部司員○外部司員原擬考試嗣因該部堂官商議以科舉業已停廢未便再循考試之例嗣後所用司員均擇其熟諳交涉者酌量咨調考試之說遂爾中止乃聞日前王御史誠義又有一摺係奏外部司員請仍照舊考試

井聞該摺業已留中矣

請設越南領事○兩粵商人僑居越南者不下十萬中國向未在该處設有領事以致商民有事乏人料理日前已經該

埠商董屢次將情形電達至今未見有設領明文現復由粵督桂撫咨請外部與駐京法使面商務必在該埠設立領

事署以資保護云云

催贖奉新鐵路○奉天至新民府軍用鐵路日人已允售與中國應在撤兵之前新約畫押之後即可實行乃日本至今

尚未派員查勘估價日前復由北洋大臣咨請外部照會日使電催日政府迅速派員辦理云

請正學術○喬侍御樹枏日昨上一摺奏懇請正學術以肅地方奉 旨學部知道已由軍機處行知學部辦理矣

禁工章程尚未宣布○美國下議院以禁工苛例為違背公理美工商部擬重訂華人口章程已見本報專電茲復接

香港專函署謂此間得美洲消息美上議院以中國抵制風潮尚未盡息須俟解散抵制後乃可寬禁現在工商部所

擬章程仍未宣布內容如何尙待查訪云云

通飭勸阻抵制○政府近又通飭各省督撫極力勸阻抵制風潮勿致暴動免貽外人口實 按抵制一事自明降 諭

旨之後各省未聞再有風潮說者謂政府此次通飭勸阻係因會接梁使消息工約可望轉機誠恐功敗垂成故有此

舉云云按此當與禁工章程尙未宣布一條參觀

東撫採辦軍米免稅○昨據東撫楊蓮帥咨稱東省刻練新軍需糧甚急而本省出米無多非派員赴南省採買實不敷

用此項軍米務請沿途免稅以資軍實等情已見摺奏昨已由部行文兩江等省驗照放行矣

請禁追悼會○外部消息言法使日前赴部聲稱本大臣現接江西領事來電目下贛省紳民暨各學堂學生傳單訂

為已故南昌縣江令開追悼會計與會者共有千餘人該處地方文武官弁并不查禁誠恐此會一開人多勢眾激

事端不惟與教堂有碍而於地方亦多不便務請貴部即速電知贛省大吏嚴行禁止以顧邦交而維大局等語日

已由部電詢 撫并屬備有開會演說等情事務即從嚴查禁勿得因循致生激變云云

議嚴雲南造幣○滇督丁制軍近有摺奏以滇省近年以來財力奇絀市面亦因之蕭條通商地方已多使用外洋銀

其故其由本省銀幣缺乏以致不克周轉擬請於省城內添設雲南造幣廠一切運辦北洋辦法以資省便

以資省便而挽利權等因奉 旨交財政處戶部議奏聞財政處大臣與戶部會議擬不准所請

幣准由南洋代為鑄造云云

巡警廳丞尚未議定○外城巡警廳丞議定調派朱桂生廳丞署理二節略誌昨報茲又聞朱廳丞以外城地面難已在堂官前力辭警部堂官昨又議擬令本部左參議錢京卿能訓調署外城廳丞云

拔取天津警學員來京○天津警務速成科學員四十名學習六閱月現奉警部禮侍郎電諭着于本月二十八日一律畢業由該學堂總辦徐觀察切實考驗定于四月初三日分別發給卒業文憑日昨內城朱廳丞雷告徐觀察屬於四十學員內先拔取二十名來京以便充區差

是吳蔭培非吳蔭培○三十日本報所登學部擬設大普通學堂及條陳減本贖路兩事查悉兩摺均係新授廣東遺缺知府吳穎芝太守蔭培所遞因太守已離講官故呈請政務處代奏非吳少渠部郎蔭培也

長沙張尙書賜壽○初六日爲長沙張尙書六十賜壽之期聞 賞品物十六種並由 慈聖御書匾額 賜以匡時耆碩四字又聞 皇上亦賞以匾額云 聖眷優隆於此可見矣

## 本京新聞

兩宮幸頤和園預報○內廷消息云 皇太后 皇上定於四月初間幸頤和園駐蹕現已將西直門外石路一律修理平坦

奏派電政大臣○電政大臣一差派定楊恭誠士琦聞係由直督袁慰帥奏保略謂商部左參議兼充電政參贊楊士琦才長心細條理詳明隨辦電務有年一切均資學畫於電政實已駕輕就熟堪充電政之任云云故即奉 旨允准至參議所遺參贊一差仍須由該大臣慎選以資襄助云

貴胄學堂將次開學○貴胄學堂不日落成定期五月間開學學額一百二十名專收現任三品以上大員子弟學科注重武事祇習德文東文分作四班共聘教習六人中國文教習二人擬由學部張嚴兩侍郎兼任(聞均已力辭)各科學外國文教習四人一爲曹君汝瑛粵人一爲林君爾爾閩人其二係練兵處職員姓名未詳堂中自監督提調以迄教習皆分別定爲二三四品實官云

練兵處擬裁陸軍官缺○近聞練兵處會議以奏定陸軍營制每鎮設有參謀官每協設有參軍官每標設有教練官本

因創練伊始統領統帶等官間有於操練各法不甚熟悉者故設參謀等官以資補助現各鎮成軍已久各項軍官均能熟悉操練通達學術已足以教授弁兵其隨營之兵學堂亦可由營員中提補教習是各鎮協標額設之參謀參軍教練等官已在可有可無之列擬此後陸續改補相當之軍官所遺之缺即不再選補大約不久定當實行云

擬定南苑至京軍用鐵路○練兵處前與直督袁慰帥籌商擬修南苑至京軍用鐵路一段以聯聲勢而備緩急並由北洋陸軍第六鎮段統制祺瑞派工程營迅速估修日前已勘明該路鐵軌枕木車輛及一切材料約計需費七萬兩現此款業由袁慰帥指定在關內外鐵路餘利項下核撥不日即可開工云

警部請飭各省具報警務○警部奏請飭各省督撫於一月內將所辦警察情形詳悉具報并飭嗣後警務須仿直隸辦法奉 旨允准

警部四品下人員將易服飾○警部現議四品以下警務人員均改易服飾以便執事俟議定即具奏

商部奏調人員○商部又奏調袁伯燮郎中夏地山主事到部當差 按袁即前任上海道海觀府尹之公子夏名偕復現充紐約總領事

各國撤退兵之變計○駐京各使除德使外均以中國各省土匪未靖於撤兵事稍有悔議聞各使最近會議決定僅將(耶坊)(蘆台)(灤州)(秦皇島)四處戍兵限於三箇月內撤盡其(京城)(天津)(塘沽)(唐山)(昌黎)(山海關)各處戍兵均暫不撤俟將來各國確信中國有力能鎮壓內亂再議盡撤

部駁直隸火車貨捐○戶部據直督袁慰帥咨稱直隸合辦火車貨捐自三十年九月起至三十年十一月止共征收三萬四千餘千核與鄂豫火車貨捐自廿八年七月起至三十年二月止共收十二萬七千餘串數目太相懸殊開辦之初南北情形大畧相同即收數不應迥異且嚴計開支局用比直隸釐捐局定章不得過取款一成之數又加數倍現在舉辦新政事費殷實費費節節直隸兩境近在畿輔火車既已暢行商民必至雲集應征之貨自不少今所報數目寥寥無幾未必非局員以多報少情弊直隸鐵路既已開辦二年之久其詳細章程究竟現在如何擬定應由直隸總督河南巡撫轉飭承辦人員限三箇月造冊報部等情入奏聞已奉 旨依議云

東辦中日本植公司○天津元慶號水商向督轅稟設奉省中日本植公司官保已據稟咨部請照會內田公使等日政府從速派員到津會商一切章程云

各省商會須知○日前商部有制文一道頒發各省商會其文云商部爲制行案查光緒三十一年十月十五日奉部參照各國賽會情形訂定出洋賽會通行簡章二十條刷印制行遵照在案查簡章第六條內開凡有賽會者各品不准赴賽等語茲准駐比楊大臣函送黎樂斯賽會點貨清單到部詳加檢閱如神像木主烟具賭具婦女鞋帽及一切礙目之件甚多現今各國重視賽會中國方應藉此爲開通風氣振興商務之機若如上開各件徒滋外人訕笑殊與賽會宗旨不符該由本部咨呈外務部嗣後各國賽會如遇有由稅務司置辦官貨賽會之事應預先訂明遵照本部前訂賽會通行簡章轉行總稅務司遵照外相應飭行遵照嗣後華商赴賽之事查照定章檢查貨物必須足示美觀有益銷場方准赴賽勿貽外人訕笑是爲至要云

### 各省新聞

咨商各省選用卒業侍衛○(直隸)北洋將弁學堂肄業之花翎藍翎等侍衛統計不下三四十員卒業後派往陸軍各鎮補充軍官者前已有一二十餘員惟差缺有限勢難遍及而將弁學堂早經奏裁所餘花翎侍衛武國棟等十餘員候差已久乃連名具稟直督求賞差使袁宮保以各鎮軍職無缺可補一時難以安插然該侍衛等既在學堂卒業亦不願獨令向隅乃籌一疏通之辦法目下各省正當添募新軍訓練需員特飭各侍衛速具出身履歷籍隸何省即將該員履歷咨送該省大吏商酌派新軍差使云

委員覆陳廬山瀑布電力情形(江甯)○江督周玉帥擬仿日本琵琶湖瀑布電機辦法利用廬山瀑布電力已誌前報聞周玉帥前因崔道來臨委赴南昌會查教案之便面諭歸途查勘廬山瀑布水力情形茲該道回據稱查得廬山瀑布水力甚猛頗合借作機力之用惟冬令稍遜等因並另繪具圖說呈請玉帥鑒核

杭州城內路線已議定○(浙江)江墅路線已議定穿城而過現改爲傍東城而行經由羊市街以達城外無須填河作軌道

議粵漢鐵路辦法○(廣東)袁升尹現於粵省查辦官紳衝突一事議擬推唐侍郎爲粵漢鐵路總辦以前招商局總辦鄭觀察爲該路坐辦以京張鐵路總工程師詹觀察天祐爲該鐵路總工程師於是該省紳董等一併允諾於日前筵宴共極一時之盛

四川鐵路分三大幹○(四川)駐川訪員報告云四川在十八行省中第一大省物產富饒壅積餘裕祇以山路崎嶇不便交通故未能消其膨脹茲各省紛紛籌修鐵路而川省爲其中心點東則有川漢鐵路南則有川滇鐵路現今北路又有川陝鐵路之籌議十年以後此三大幹綫告成則四川一方面將爲我國商務之總匯矣我國人深盼其早日速成也

兩廣設遊學預備科○(廣東)粵督岑雲帥自准學部來電通行遊學生選送時大略辦法當即電復略謂承示游學大畧辦法限制資格畫一期限兩策深得綱要風氣初開各省免予停派更不阻抑私費實于從嚴限制之中仍寓廣植人材之意尤屬精細周匝鄙意此後派遣游學無論官費長短期均以核實考驗各該生學力品行及身體強弱爲主粵省上年業經聲明創設兩廣預備科在各學堂挑選程度較優學生一百八十人教授東文東語兼補習普通學期以兩年畢業將來仍嚴加考選拔取優等各生咨送赴日分入高等專門各校肄習其不能入選者仍可留爲本省各學堂師範之資於學界前途不無裨益貴部如有卓見或已籌議細目奏准有案務乞即賜詳示爲禱

獎領事辦理教案之持平○(廣東)順德縣長老會教民因在馬坑地方買地鐵開一案現美領事函請督憲保護并請訪查該處教民是否因信道致被爲難抑祇因奉教人請收佃干預藉詞被擾倘地方官辦理此事無分民教本總領事即置而不理云

粵東學捕主筆○(廣東)粵東現將廣州報主筆等數人一律捕縛又將時敏報主筆斥逐其詳容俟續聞

南洋閩商已認路股八百萬○(福建)福建全省鐵路籌議開辦日前已稟明商部先築福州至廈門一段迭經總辦陳閣學函商南洋各埠閩幫富商助集股本各該商董均極歡迎認股頗鉅據陳閣學電告鐵路議員稱南洋閩商已認集股有八百萬之譜惟入股一切章程尙須面商閣學擬親往南洋各埠一行以期股本齊集即赴期舉辦云云

### 各國新聞

俄人自述撤退滿洲兵數○(俄國)據俄國滿洲軍總督之所發表計自平利克復之後至本年二月二十九日俄國滿洲軍實際撤退之數計共六十萬人其中七萬人係從海參威經海路回國者譯大阪朝日新聞

法國將撤退廣州灣守備兵○(法國)聞法國政府之意若英國將威海衛之守備兵解散則法國亦將撤退廣州灣守備兵云

備載譯大版每日新聞

美總統演說限制遺產主義○(美國)美總統羅斯福近來演說謂以後巨富將產業遺傳他人國家當抽其稅庶凡人所受遺產皆有定數美總統演說之詞美人聞之大為激動正與奧人因德皇之致電與相而受激勵無異限制遺產一事雖較勝于均產主義然將來此事必與美國理財問題大有關係此可預料者也

日本新定准各國商民前往旅大等處清理財產辦法○(日本)一渡航者惟以在關東總督管轄地內當退去之際剩有私有財產於該地者或本人或代理人如欲前赴該地調查該物件及搬出者為限 二渡航者當具稟時須於稟內叙明在各地退去之年月日剩存物件之處所並詳載物品數目及價值等項 三剩存財產者倘欲派人代理之時該代理人祇以一人為限如有該剩存財產係數人合夥之時應於內中舉出一人前往經理 四渡航者准其隨帶跟人惟不得逾三名以外 五渡航者在關東總督所轄地內逗留中須當恪遵該處軍衛所定之規則及命令

譯電

歐辱將官案處分○西四月二十三號路透電云駐守阿耳得疏之副將卡那加列地橫遭歐辱一案經英國兵部衙門議定各員處分殖民官企斯伯德開去管理營務差副將斯得利士革職中尉陳尼地離任另有中尉四人拿辦並削去養老俸云

舊金山火車銀行郵政復開○同日又電云舊金山火災業已救熄各處情形稍安火車亦已照常開行惟所過二十五英里之遙屋宇都成灰燼殊令人愴然耳各銀行擬定禮拜三(即西四月二十五號)開市交易各郵政局均未受災現已傳遞信件如常矣

倫敦開會筵宴○同日又電云衣佛洞君集合紐卡斯爾會員在倫敦卡列斯他爾宮大開筵宴與盛會者約萬人云法北方仍戒嚴○同日又電云昨報法國工人罷工反抗官兵一節刻下風潮未息北方一帶仍須戒嚴

歐辱將官案處分再紀○西四月二十四號路透電云英副將橫遭歐辱案處分一節茲聞略有更動殖民官企斯伯德罰支半俸副將斯得利士降級調用中尉哈美爾洞降二級留任一年其餘中尉十二人約得一年或半年革留處分云 此次所定處分除殖民官企斯伯德稍輕外餘均從嚴懲處陸軍隊所得處分統歸軍醫官屈斯洞少將一身云

譯報

英法委員封禁某報未果○南昌教黨焚燬教堂殺害教士英法赴贛委員謂此案之釀成某報不能辭其咎蓋事前某報曾着論煽動民心致起暴動特照會地方官封禁某報而某報係隸口商保護故駐口日本領事行文籲撫為之辯護英法委員無如之何刻已照常出版矣譯益聞西報

美國火車失事統計表○據美洲合眾國一千九百零五年七八九等月鐵路死傷人數統計表搭客及工人死者共一千零五十三名傷者共一萬六千三百八十八人兩車相撞者凡一千六百零五次車軌外者凡一千五百三十次因失事而修理車路費用共二百五十萬美金云譯警衛報

美國政府擬遷華人於埠外○舊金山大埠華人聚居一隅成小商場美國政府去年屢擬將華人遷出埠外謂華人聚居之地污穢惡劣非人類所居實為我美國之玷等語近聞美國政府又復提議此事實行之期當不遠云譯警衛報 蘇巴土人作亂○上海電云蘇巴土人聯盟起叛官軍往剿失利陣亡者凡二百人現地方官已急調大兵隊前往助剿矣譯京津泰晤士報

山東大刀會又起○山東大刀會黨劫掠之案時有所聞惟絕無排外仇教舉動楊中丞已從嚴辦不准其境內騷擾并已諭飭各屬地方官保護外國旅人矣譯京津泰晤士報

專件

江督周奏稿 為籌備通州開埠事

再通州天生港自開商埠曾於光緒二十五年欽奉 諭旨著切實查明籌度具奏經前督臣劉坤一遵 旨籌度情形奏請開辦聲明俟商務漸興再行設立鎮關分卡徵稅籌款以辦埠工等情奏奉 硃批該衙門知道欽此欽遵在案比年以來因商務未臻大盛一切設關築埠在在需款以致延未舉辦近因海州自開商埠據通州在籍紳士翰林院修撰張謇函請將通州一律舉辦當以通州天生港南濱大江北達內河一水可通進出貨物為類甚繁前既奏明自開商埠有案自應速籌舉辦惟該處係在江海鈔關轄境前督臣劉坤一奏請歸鎮關設卡與例未符即經督臣奏准

開關道會商稅務司派員會同勘明辦理茲據該關道等會同詳稱天生港設立分關按照定制應由滬設關道員經理並據查明上年出口分銷各處貨物共估價洋二百七十八萬六千餘元內地經過分口稅釐共銀一萬一千七百餘兩此外來往各貨及該州唐家開各廠歲出之細紗棉並棉油麵粉等貨為數尤鉅若自開口岸商務可立見繁興等道等現與稅司商酌擬另訂專章暫作可以起下貨物之不通商口岸惟開辦之初需款甚鉅官既難籌商勢亦屬不查通州大達輪步公司現備有萬船一號擬令該公司就此接造碼頭浮步其江岸應行修築之處並由該公司自行籌力分年興辦所用款項暫歸商人息借俟工竣後即於該處每年官收進出稅項照數撥還似此分任尚屬輕而易舉等情會詳前來臣詳加察核所議尚屬周妥並接晤官紳證以所言亦均稱便除仍飭江海道會同稅務司另訂專章詳查並分咨外務部查照外所有通州天生港暫借商款自開商埠應隸江海關轄理緣由謹會同護理江蘇巡撫臣漢子藩片具陳伏乞 聖鑒訓示謹奏

批摺摘由

三月三十日摺片二十二件  
錫良 辦理警察情形 巡警部知道了 又擬設游學豫備學堂 學部知道單併發 又尋常命盜案王真服等稟奏 刑部議奏 又命犯劉三桂等案彙奏 刑部議奏 又請賞重慶關稅務司李華達寶星 著照所請外務部知道 又維州協標等營補卹賞銀兩 戶部知道 又各標鎮協營軍火甲械齊全 該部知道 又綏靖營遺缺由外揀補 兵部知道 又擬設補習學堂 鑾批覽 又奉節縣知縣侯昌鎮降級開復 著照所請該部知道 張曾駿 海運出力船商人等請獎 該部議奏單併發 又朝鮮難番遣送回國 知道了 又三十一年海運出力官員請獎 該部議奏單併發 又杭嘉湖道衡吉飭赴新任 知道了 又匯解專使經費 該部知道 又匯解京餉並內務府參價銀 該衙門知道 崇善 海關洋稅備還賠款 該部知道 又匯解加俸餉銀 該部知道 又請以即選道馬景融破格錄用 馬景融著照交部從優議敘 又匯解閩省第五年第五期新案賠款銀兩 該部知道 黃少春 交卸提篆日期 知道了 張曾駿 遣送期鮮難番 知道了  
三月二十九日摺片二十四件

林紹年 勸辦餉賑捐輸人員請獎 該部議奏單併發 又梧關稅查照各關成案辦理 該部知道單併發 又藩司張鳴歧請改換印信 禮部知道 又解賠款 該部知道 又土州請獎世職 該部議奏 又巡檢王政立革職 著照所請該部知道 張之洞 解洋款 該部知道 又宜昌川鹽局加課錢文數目 戶部知道 又解賠款 該部知道 又解京餉 戶部知道 又委員代防以備水患 知道了 又解賠款 該部知道 趙爾巽 解邊防經費 戶部知道 又考察盛京內務府文職各官 該衙門知單併發 張曾駿 解賠款 該部知道 又海塘沙水情形 工部知道單併發圖 又浙西引地加整頓 戶部知道 溥通 軍台廢員逃脫請 飭緝 著照所請該衙門知道 顏鍾驥 到任日期謝 恩 知道了 瑞良 不職各員請併革職 著照所請該部知道

奏稿

袁世凱片 再考核各州縣事實前經政務處奏准凡列入最優等者仍由各督撫出具切實考語具奏實缺者以應升之缺在任候升列入優等者請交部議敘等語查光緒三十年州縣事實直隸列入最優等之延慶州知州劉鳳鑣調補清苑縣定興縣知縣黃國璋二員均係實缺劉鳳鑣勤政愛民任事勇往該員現已丁憂應俟服闋回省補缺後以應升之缺升用黃國璋心精力果卓著循聲侯有應升缺出酌量請升又列入優等之宣化縣知縣謝愷安肅縣知縣齊濟吳橋縣知縣陳慶彬署成安縣知縣候補知縣周學淵調署景州知州元氏縣知縣葛亮升前署清河縣調補高陽縣知縣楊文藻應請 旨勅部議敘以示鼓勵據藩臬兩司詳奏前來理合附片具陳伏乞 聖鑒訓示謹 奏奉 硃批著照所請該部知道欽此

張之洞片 再捐職陳錦江奎夏縣人曾充藩司衙門書吏自稱報捐道員指分江蘇平日專以挾詐欺人藉端牟利為事聲名素劣近復在漢口地方藉執管漁業水課舊契將後湖湖出灘地擅指六萬方之多私自賣與洋商查民間荒蕪漁賦之地止能執管水業不能管及陸地陳錦奎貪利影射擅賣官地若不嚴加懲禁以後漢口後湖一帶膏腴地方盡為奸徒盜賣流弊無窮亟應查明嚴禁據江漢關道繼昌詳請傳案澈究前來相應請 旨將指分江蘇試用道陳錦奎暫行革職以便飭令地方官傳案澈訊嚴究謹附片具陳伏乞 聖鑒謹 奏奉 硃批著照所請該部知道

道欽此

太子少保湖廣總督兼管湖北巡撫事臣張之洞跪 奏為查明湖北省光緒三十年州縣衛漕糧隨漕各項並幫運課等款未完一分以上職名分別繕單奏陳仰祈 聖鑒事竊照戶部奏定章程錢糧奏銷各依定限令各該督撫一面具題一面先將未完一分以上各員職名開具簡明清單專摺奉報由部核定處分先行覆奏其有奏後續完者准其續行奏請歸本案開復等因茲據湖北布政使李岷琛詳查明光緒三十年分各州縣衛漕糧隨漕各項並幫運課等款經徵未完一分以上職名開單呈送前來臣覆核無異除咨戶部外謹繕具清單恭摺具陳伏乞 皇太后

皇上聖鑒敕部核議施行謹 奏奉

硃批該部議奏單併發欽此

成勳片 再前准 盛京將軍咨 趙爾巽咨會奉省現辦罪犯習藝所將強盜拾奪會匪棍徒及常赦太原軍流各項人犯 奏請一律收所習藝欽奉 硃批刑部知道欽此

經札飭吉林分巡道嚴緝去後茲據該道以法須因地以制宜事貴圖終而慎始遵查各省各屬現在積壓常赦太原軍流各犯已有五六十名將來每年辦結約計亦有三五十名不等若概行收入本省習藝所充工年復一年非特度支難繼擁擠堪虞且與常赦得原之犯咸獲優游梓里區別毫無已嫌淆混刑罰吉林為根本重地溯厥從前不與安插軍流者原所以靖匪杜姦究也當茲大亂初平瘡痍未復此項搶劫會匪棍徒罪屬軍流各犯類皆桀驁不馴擾民實甚省盜案獨多歲計就地正法盜犯恒至四五百名而臨陣殲斃者尚不在內奉吉雖屬連疆情形迥異再三體察前項罪擬軍流人犯尤應恪遵部定章程及時投界遠方庶足以示區分而昭儆戒似未便管所習藝等情詳請 奏明飭部立案前來前署將軍達桂未及覈辦旋因丁憂穿孝奴才接准移交詳加查核奉吉情形疆域既殊稂莠未絕實難仿照辦理除咨部立案並分咨奉省外理合附片具陳伏乞 聖鑒訓示謹奏奉 硃批刑部知道欽此

奴才成勳跪 奏為據員請補要缺同知以資治理恭摺仰祈 聖鑒事竊照准補緩募廳同知朱烈前因請咨赴引久未回省當經前署將軍達桂奏請開缺歸部銓選業奉 硃批著照所請該部知道欽此等因行知在案查緩募

同知係衝繁難沿邊題調要缺遇有缺出陞調兼行如無合例堪以陞調之員准於候補並揀發委用人員內酌量請補該廳邊荒初闢交涉撫綏動關緊要應即揀員請補以重職守當於現任各員中逐加遴選實無堪以陞調之人惟查有候補同知宋春霆現年四十歲安徽懷寧縣人由監生於光緒十二年授効吉林是年八月遵山東協賑捐例報捐鹽大

使銜十五年吉林電工告竣因係在事出力經前將軍長順彙保准以鹽大使歸部選用十七年遵例捐獎藍翎十八年復遵新海防例報捐免選鹽大使以通判雙月選用旋因在機器局辦公五年限滿案內出力彙保候補通判缺後以同知補用十九年經總理海軍衙門會同吏部核准覆奏奉 旨依議欽此又經請以通判本班留於吉林酌量補用奏奉 硃批著照所請該部知道欽此二十年請咨赴部五月十三日經吏部帶領引 見奉 旨著照例發往欽

此七月初一日領照到省二十二年委署賓州廳同知五月到任八月遵例捐尋常加一級十二月交卸回省二十三年遵例捐換花翎二十六年遵新海防例報捐免補通判離任以同知仍歸原省試用二十九年正月請咨赴部二月二十八日蒙 欽派大臣驗看三月初四日准吏部帶領引 見奉 旨著照例發往欽此旋即遵例補交候補班銀

兩經部發給執照准以同知發往原省歸候補班補用領照回省循例補行甄別十月委署五常廳同知遵例加捐三品銜三十一年二月交卸十月委署長春府知府二十七日到任以之請補緩募廳同知洵堪勝任與例亦屬相符據署吉林分巡道余濬以該員勤政愛民操守廉潔具詳請 奏前來奴才到任未及三月例不出考合無仰懇 天恩俯念邊缺緊要准以候補同知宋春霆補授緩募廳同知實與地方有裨如蒙 俞允該員係候補同知請補緩募廳同知銜缺相當毋庸送部引 見所有據員請補要缺同知緣由是否有當理合恭摺具陳伏乞 皇太后 皇上

聖鑒勅部覈覆施行謹 奏奉

硃批吏部議奏欽此

奴才成勳跪 奏為吉林所屬官莊徵收光緒二十九年分糧石錢文數目改題為奏恭摺仰祈 聖鑒事竊查吉林

官莊壯丁承種官私地畝共地一萬九千三十四畝一分於嘉慶二十二年奏定分為三則徵收共應徵倉石糧一萬九百四十石一斗一升七勺五抄又開墾三道喀薩哩地畝奏定於同治八年起照舊納租地七百八十七畝九畝四分每畝應徵市石租銀六錢每市石合市錢二千三百文折制錢一串一百五十箇不地照舊納租地一千八十二畝一分照新荒章程每畝徵收市錢六百六十文折制錢三百二十箇所徵錢文仍照舊例每折徵制錢一串作銀一兩存庫入於糶穀借銀新取項下報銷歷經遵辦在案茲據總理官莊事務協領岳林呈稱據催糧官佐領廣陞防禦訥蘇肯海亮等呈稱承催糧屯蠟蠟官莊壯丁並正紅廂紅二旗馬廠官地民佃等交納光緒二十九年分額糧一萬九百四十石一斗一升七勺五抄如數收齊交倉又佐領承恩承催光緒二十九年分三道喀薩哩佃戶等承種照舊納租地七百八十七畝九畝四分計應收倉石租糧一千一百八十一石九斗一升每倉石合制錢四百六十箇計應徵制錢五百四十四

三串六百七十九兩又照新荒章程改徵租錢一千三百八十二兩一分每兩應收租錢六百六十文計收市銀四萬四千五百六十六兩四錢四分三釐如數收齊交庫據實古塔副都統衙門報稱光緒二十九年甯古塔十三官莊壯丁一百三十名每名倉石穀三十石計應交額糧三千九百石帶徵光緒二十五年官莊被災壯丁等應納額糧九十九石當經奏請遞緩至二十七年秋收後起仍照原限分限三年帶徵計二十九年交納米限額糧三十三石均已如數收齊交倉據估都統衙門報稱光緒二十九年伯都訥六官莊壯丁六十名每名交倉石穀三十石計應交額糧一千八百石如數收齊交倉據三姓副都統衙門報稱光緒二十九年三姓十五官莊壯丁一百五十名每名交倉石穀三十石計應交額糧四千五百石因是年禾稼被災收成歉薄奏請緩至三十年秋收後照數交納帶徵光緒二十八二十七二十六二十五等五年每年應約額糧四千五百石均因歷年禾稼被災收成歉薄節經奏請遞緩至三十三十三三十三三十四等五年秋收後交納據阿勒楚喀副都統衙門報稱光緒二十九年阿勒楚喀拉林二處六官莊壯丁六十名每名倉石穀三十石計應交額糧一千八百石如數收齊存倉各等因咨報前來前署將軍達桂正在核辦間旋因丁憂移交到奴才成勳復查光緒二十九年應徵額糧除三姓展緩帶徵外其吉林甯古塔伯都訥阿勒楚喀拉林等處徵收官莊壯丁應交光緒二十九年分額糧帶徵額糧共穀一萬八千四百七十三石一斗一升七勺五抄當飭各該管倉監督如數妥為收倉除將所徵糧石咨報戶部查覈並三道喀薩哩佃戶交納光緒二十九年分地租徵利錢合銀九百九十九兩七錢四分三釐如數存庫入於糧穀銀兩新收項下另案報銷外所有吉林所屬官莊徵收糧石錢文數目緣由改題為奏理合恭摺具陳伏乞 皇太后皇上聖鑒查核施行謹 奏奉 硃批戶部知道欽此

成勳片 再吉省開辦學堂雖基礎已立而一切教科讀本應用儀器及師範課程均不完全且疊准學部咨電當查取編纂課本並教員程度東陲僻處風氣未開算陋之譏誠知不免自應派委專理通達熱心教育之員前往學部悉心考察並赴京津等處廣購書籍課本不足以宏樂育而昭齊一經前署將軍達桂飭派總理學務處記名副都統候補道峻昌充膺是選未及具奏丁憂卸篆移交奴才核辦伏查學堂為自強之本攸訂不厭精詳該道峻昌任事真誠尙能考訂詳明採購有益教科之書以期逐漸擴充為文明進步除分咨學部北洋大臣查照外謹附片陳明伏乞 聖鑒謹 奏奉 硃批學部知道欽此

戶部謹 奏為提解江西釐稅請 飭查覆恭 摺

聖鑒事據江西巡撫胡廷幹奏認解鉅款事屬子虛迭奉 硃批戶部知道欽此欽遵由內閣抄出到部查原奏

內稱光緒三十年秋各國索補賠款磅虧戶部電商各省前署撫臣夏曾習以整頓釐稅約可歲增三四十萬兩聽候提用本年五月准戶部咨行奉明提解經臣查明江西財用匱竭無款可動奏懇免提旋由戶部議覆撥開前撫慨然認解之款繼任者遽悔其言實難議准應嚴飭該司道限日分批委解等因奉 諭旨咨行到臣正籌商間復准電催伏維京外庫儲皆歸戶部總持既奉指提自應遵飭趕解無如署撫臣夏曾習前電出自臆裁迫殊事實不得不再縷陳原委

查江西奉派賠款連關平匯解等費共需銀一百六十萬兩本末照數籌足約計尚短一十萬金前護撫臣柯逢時升任廣西又奉借銀二十萬兩迄今並未歸還前署撫臣夏曾習在任年餘購買湖北日本奧國槍砲銀三十餘萬兩開募常備兩軍及砲台營所增餉需暨募費軍裝營房各項又共銀三十餘萬兩奏案可稽皆在常年用款之外乃上年九月電復戶部猶謂多出銀四十萬兩聽候奉提蓋計入而未計出不知其一欸不能兩用也其覆四川督臣錫良之電有云敝處搜羅四十萬金密電知戶部不獨未商各省及本省司道未敢令知等語川贛兩局電底具存尤為可異直至撥還磅虧墊付江海關電部請示奉省司道始悉其事臣前奉僅以江省庫款入不敷出為言原不欲揭薦人之短苟使稍可展舒何必故違部議今歲銀價大漲故捐統捐以錢易銀已較往年頓短數十萬金而陸續添出之欸如東三省開辦經費等項萬萬出洋考政政治經費銀四萬兩萍鄉移建製造廠經費銀十萬兩警部經費銀二萬兩以及零星派欸又非二十萬今不足支應至本省練兵興學警察礦務磁器公司諸要政咸以限於財力未能大擴規模處此困難點金乏術

欲勉籌鉅款為前任代圓其說實苦無米為炊亦非司道任意推延惟庫庫空虛待用孔亟再四籌商擬無論何欸設法騰挪銀五萬兩刻日匯解聊為蒼海細流之助後如銀價減落稅收起色但能稍有餘欸仍當隨時通籌酌濟所有臣等前電既有舛錯應請 旨飭下戶部准予更正以昭核實等語臣等伏查江西整頓釐稅歲約增銀四十萬兩前撫臣夏曾習以臣部借款彌補足數電飭滬道將各省解欸分別撥還未即截留江西前欸者原以共濟時艱不必過為珍域自應聽其從容報解以免周轉不開臣部之體恤江西者至矣乃上年五月奏提應用接任撫臣胡廷幹遂有可動懇請免提之奏當經臣部議駁責令限日照解嗣復電催始悉認解銀五萬兩在案今該撫申前說以應部等按此疏內所陳亦第指斥夏曾習一欸兩用究不能謂整頓釐稅無此四十萬新增之欸其非

夏皆原電亦稱無可設措之中擬將所增之數聽候提用於本省支解較之未增此項之時不過同於竭蹶而實非明等語似不得指為舛錯若夫江西應協各餉應辦各政名目頗繁自不無支絀之慮然果係動用何款該省隨時奏報並未一一指實必謂概行取資于四十萬亦屬言之過當至該司道等身任監司理財是其專責先于夏皆提用釐稅既有不知之事嗣於增餉置械各款復不能酌劑盈虛以顧預附和為能仍亦無可解免方今國家多事籌款為先方面大員更無所容其諉卸如現時京師需用以籌款屬之該省亦當力為其難固不論何項也茲江西新增釐稅項下已據解交部履銀五萬兩此後按年實能報解若干擬令該撫即行督同司道妥籌覆奏毋徒以區區塞責希圖了事如再延不聲覆即由臣部併案叅處以為司道不職者戒所有提解江西釐稅請 飭查覆緣由理合恭摺具陳伏乞 皇太后 皇上聖鑒謹 奏光緒三十二年三月初四日奉 旨依議欽此

文苑

送阜陽嵒觀察序

會真除賀公至公將受代兩郡士民議所以留公者以格於令甲未果則然若所依茲者知公之惠我溫處者深矣夫以公之魁才清望上邀 宮廷之簡眷下為大吏所倚重且暮當有峻擢行見擁旌建節以大展其才溫處僻隘誠不足以久辱賢者然履仕不逾百日而聲施爛然新機退暢若時雨至而勾萌畢達其閱謨遠畧方輿而有艾繼公至者其能蕭視曹隨廣繼增益以慶厥成乎抑亦惟是從容坐嘯於教養之成廢僅其自然而無所慨於心乎是然不可喻度此兩郡士民所為希望於公而公所為惓惓不能已者也詒讓章句迂儒秉資疏拙曷者先君子承宣江左與提軍公有同官之雅兩世舊交欽遲三十載不意垂老得以鄙民敬承嘉誨猥荷不棄以兩郡學務相屬願維衰朽無能為役維公之左右而扶掖之或得藉手以觀教育之成而不意公之遽受代也故輒舉公之惠我溫處者揚擢陳之以志兩郡士民感望之深與不佞私衷之欽挹用垂紀念於無竟至於時局阨危 聖主側席薄海臣民咸宜相與搏心壹志以閔濟艱難公固以身許國詒讓雖不敏亦不敢不辱焉勉盡其鄉里之常職彼夫燕安頌禱之文行旅并離之感固知不足為公誦矣謹序 按程觀察恩培以去秋攝篆吾郡甫三閱月而綱舉目張新政煥然其通達治理銳志維新為數十年備兵使者所罕見兩郡士民於其去也爭為詩文以張之瑞手珍襲藏之頃來京師偶檢行笈是序稿猶存用公之

好且敬告海內之有心人丙午三月雁蕩山民識